

EU4Business: Poziv potencijalnim korisnicima bespovratnih sredstava za mjeru ublažavanja negativnog utjecaja COVID-19 na poljoprivredno-prehrambeni sektor

Ciljevi javnog poziva su sljedeći:

- doprinijeti ublažavanju negativnog utjecaja epidemije COVID-19 na poljoprivredno-prehrambeni sektor u BiH;
- optimizacija operativnih troškova, održavanje produktivnosti, likvidnosti i konkurentnosti poljoprivredno-prehrambenog sektora u BiH;
- podrška stabilizaciji postojećih lanaca vrijednosti od primarne proizvodnje do prerade i plasmana proizvoda na tržište; i
- promoviranje prakse održivog razvoja uključujući bolje upravljanje prirodnim resursima i očuvanje okoliša i zaštitu ljudi, prvenstveno radnika ili poljoprivrednika.

U svakoj projektnoj prijavi postoje dvije vrste aktera koji su neizostavni element svakog projektnog prijedloga. To su:

1. Podnosioci prijava sa teritorije BiH, koji mogu biti:

- Mikro, mala i srednja poduzeća (MMSP);
- Obrti/poduzetnici; i/ili
- Zadruge

sa uspostavljenom mrežom kooperanata/individualnih poljoprivrednih proizvođača.

2. Kooperanti/individualni poljoprivredni proizvođači (kao krajnji korisnici)

- Registrirana poljoprivredna gazdinstva koja se bave primarnom proizvodnjom ili preradom poljoprivredno-prehrambenih proizvoda na gazdinstvu;
- Pčelari upisani u registar pčelara koji se bave proizvodnjom meda ili preradom proizvoda od meda.

Prihvatljivi podnosioci prijava za dodjelu bespovratnih sredstava mogu biti mikro, mala i srednja poduzeća, obrti/poduzetnici i/ili zadruge sa uspostavljenom mrežom kooperanata/individualnih poljoprivrednih proizvođača koje se bave:

- proizvodnjom i/ili otkupom i/ili skladištenjem i/ili plasmanom svježih poljoprivrednih i gotovih prehrambenih proizvoda; ili
- proizvodnjom i/ili otkupom i preradom, skladištenje i plasmanom poljoprivredno-prehrambenih proizvoda.

Prihvatljivi sektori za podršku

- Sektor voća i povrća;
- Sektor mlijeka;
- Sektor mesa;
- Sektor pčelarstva;
- Sektor žitarica i uljarica

Prihvatljive investicije se odnose na nabavku:

- stalne imovine i opreme, mašina, alata,
- repromaterijala za primarnu poljoprivrednu proizvodnju i repromaterijala za preradu i distribuciju poljoprivrednih i prehrambenih proizvoda,

Bespovratna sredstva po jednoj prijavi mogu iznositi od **50.000 KM** do **150.000 KM**.

MMSP i obrti/poduzetnici i/ili zadruge kao podnositelj zahtjeva mogu dobiti maksimalno **do 25%** dodijeljenog iznosa bespovratnih sredstava (**maksimalno 37.500 KM**).

Poljoprivredna gazdinstva koja se bave primarnom poljoprivrednom proizvodnjom, preradom i/ili prodajom poljoprivrednih proizvoda. Mogu dobiti minimalno **75%** dodijeljenog iznosa bespovratnih sredstava (**minimalno 112.500 KM**).

Krajnji rok za podnošenje prijava je 3. juni 2020. godine do 15:00 sati